



Bosnia and Herzegovina  
Federation of Bosnia and Herzegovina

CANTON SARAJEVO  
Ministry of Internal Affairs

**Broj: 01-11-4-3830-4**

**Dana: 06.09.2023. godine**

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20), člana 70. Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za javne nabavke Ministarstva unutrašnjih poslova Kantona Sarajevo za 2023. godinu, imenovane Rješenjem broj broj 05-1-30-1-1879 od 03.04.2023. godine, u postupku javne nabavke usluga tekućeg osiguranja krovova za potrebe Ministarstva unutrašnjih poslova Kantona Sarajevo, ministar unutrašnjih poslova Kantona Sarajevo, d o n o s i

## **O D L U K U**

**o izboru ponuđača za nabavku usluga tekućeg održavanja krovova za potrebe  
Ministarstva unutrašnjih poslova Kantona Sarajevo**

### **I**

Na osnovu Odluke o pokretanju postupka nabavke broj 01-11-4-3830 od 25.07.2023. godine i Obavještenja o nabavci broj 1364-1-2-44-3-54/23 od 27.07.2023. godine na portalu Agencije za javne nabavke objavljen je postupak usluga tekućeg održavanja krovova za potrebe Ministarstva unutrašnjih poslova Kantona Sarajevo, putem otvorenog postupka.

Za predmetni postupak predviđeno je zaključivanje okvirnog sporazuma na dvije godine sa jednim ponuđačem.

### **II**

Shodno Zakonu o javnim nabavkama, primjenjujući kriterij "najniža cijena", kao najpovoljniji ponuđač u postupku nabavke usluga tekućeg održavanja krovova za potrebe Ministarstva unutrašnjih poslova Kantona Sarajevo, izabran je LimFix Žepče.

Okvirni sporazum se zaključuje na period od dvije godine na iznos od 60.000,00 KM bez PDV-a (šezdesethiljada i 00/100 KM), uz obavezu izabranog ponuđača da se za vrijeme trajanja okvirnog sporazuma pridržava cijena navedenih u Ponudi broj 10-09123 od 05.09.2023. godine.

### **III**

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

### **IV**

Ova odluka stupa na snagu danom donošenja.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

## Obrazloženje

Na osnovu Odluke o pokretanju postupka nabavke broj 01-11-4-3830 od 25.07.2023. godine i Obavještenja o nabavci broj 1364-1-2-44-3-54/23 od 27.07.2023. godine na portalu Agencije za javne nabavke objavljen je postupak nabavke usluga tekućeg održavanja krovova za potrebe Ministarstva unutrašnjih poslova Kantona Sarajevo, putem otvorenog postupka.

Za predmetni postupak predviđeno je zaključivanje okvirnog sporazuma na dvije godine sa jednim ponuđačem.

U skladu sa gore navedenim Obavještenjem o nabavci, Komisija za javne nabavke Ministarstva je izvršila javno otvaranje prispjelih ponuda, dana 04.09.2023. godine, sa početkom u 15:00 sati, u prostorijama Sjedišta MUP-a Kantona Sarajevo.

Otvaranju ponude nije bilo predstavnika ponuđača. Zapisnik sa otvaranja ponuda dostavljen je ponuđaču putem pošte.

Tendersku dokumentaciju preuzelo je devet ponuđača. U postupku nabavke nije postavljeno niti jedno pitanje.

Pristigla je jedna ponuda i to od strane ponuđača LimFix Žepče.

Prispjela ponuda, broj 10-09123 od 04.09.2023. godine (koja uključuje jedinične cijene za 18 vrsta usluga), je blagovremena i iznosi 2.350,00 KM.

Komisija je izvršila provjeru kvalifikacije ponuđača u skladu sa minimalnim zahtjevanim kvalifikacionim uslovima koje ponuđač treba da ispunjava, a koji su traženi u tenderskoj dokumentaciji.

Nakon što je izvršena je kontrola dostavljene dokumentacije, način uvezivanja ponuda, primjena propisane forme dostavljenih dokumenata, validnost ponude, njen potpis i ovjera, računsa kontrola te izvršen pregled i provjera drugih dokumenata, konstatovano je da je ponuda formalno-pravno ispravna.

Prilikom računsa kontrole u dostavljenom Obrascu za cijenu ponude uočeno je da kolona ukupna cijena bez PDV-a nije jednaka zbiru svih pojedinačnih stavki (od 1. do 18.), te u vezi s tim je postupajuća komisija od ponuđača zatražila usklađivanje podataka na Obrascu za cijenu ponude.

Ponuđač je postupio po zahtjevu Komisije, te izvršio usklađivanje podataka i dostavio korigovan Obrazac za cijenu ponude, broj 10-09123 od 05.09.2023. godine, na iznos od 2.250,00 KM, koji je potpisan i ovjeren od strane ponuđača.

Obzirom da je dostavljena samo jedna ponuda nisu se stekli uslovi za zakazivanje E-aukcije, te postupajuća komisija shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama („Sl. glasnik BiH“ broj 39/14 i 59/22), jednoglasno daje preporuku ministru unutrašnjih poslova Kantona Sarajevo da u postupku nabavke usluga tekuće održavanje krovova za potrebe Ministarstva unutrašnjih poslova Kantona Sarajevo, donese odluku o dodjeli okvirnog sporazuma na dvije godine, ponuđaču



LimFix Žepče, u iznosu od 60.000,00 KM bez PDV-a (šezdesethiljada i 00/100 KM), uz obavezu izabranog ponuđača da se za vrijeme trajanja okvirnog sporazuma pridržava cijena navedenih u Ponudi broj 10-09123 od 05.09.2023. godine.

Cijeneći naprijed navedeno riješeno je kao u dispozitivu.

**POUKA O PRAVNOM LIJEKU:**

Protiv ove odluke dopuštena je žalba koja se podnosi Ugovornom organu u roku od deset dana od dana prijema Odluke o izboru, a u skladu sa članom 99. i 101. Zakona o javnim nabavkama.



Dostaviti:

1. Ponuđaču,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.